

1938

სიბუნება

საბავშვო
მედიკალინა



1938_ბ

№6



პიონერი

საქ. აღმკვ. ცენტრალური კომიტეტისა და საქართველოს
საქ. განსახორციელების მეთოდური შუარედასმის ინსტიტუტი

ივნი 1938 წ. № 6

სსრ. ცაკის გამომც.—„კომუნისტი“. რედაქციის მისამართი თბილისი, ვრიხოვდოვის ქ. № 34, ტელ.—3—02—61

მინაასი

33.

1. სანდრო შლენტი, — თორმეტი იენისი (ლექსი) 1
2. თუკმან შანშიაშვილი, — მაქსიმ გორკი (წერილი) 2
3. მახსიმ გორკი, — ქურდი (მოთხრობა, თარგმანი შ. თაბუკაშვილისა) 3
4. გიორგი ჭუჩუაშვილი, — შეხვედრა გორკისთან (ლექსი) 5
5. სიმონ წვერავა, — გიგლას უბედურება (მოთხრობა) 6
6. ლადო ზეზუაშვილი, — სიმღერა (ლექსი) 8
7. ნ-ლი, — ჯამბული (ნარკვევი) 9
8. გიორგი კახაიანი, — დასჯილი (ლექსი) 10
9. შალვა მარიაშვილი, — ვერაგი დამპყრობელი (მოთხრობა) 11
10. ვლ. კახიანი, — გველისმკამელი ფრინველები (წერილი) 15
11. ვმ. გიორგაძე, — ადამიანი ოკეანის უფსკრულში (წერილი) 16
12. გასართობი გარეკანის მე-4 გვ.

გარეკანზე — ა. მ. გორკი და მისი შვილიშვილები მართა და ღარიბა

ქურნალი გაფორმებულია მხატვარ—ი. ქოქიაშვილის, დონის და გ. კახიძის მიერ

ბასუხისმგებელი რედაქტორი—მლ. ავლაძე ბასუხისმგებელი მდივანი—ნ. სირბილაძე

მთავლიტი 870 შვკვ. № 556 ტირაჟი 7.000 სტამბა „კომუნისტი“ კამოს ქ. № 68

12 ივნისი

მზე ბურთივით ამოგორდა,
ცამ გაიხსნა ძეგრდის დილი,
მთაწმინდიდან ელვარება
გადმოეფრქვა უხვად თბილისს.



ბაღში ბუჩქიც წამოხრდილი
შეირხა და იწეებს შრიალს,
ევაგილებმა თითქოს მორცხვად
გაუღიძეს დილის ნიავს.



და მოედვა ეოველ უბანს
ვაჟკაცური ხმა და ძალა...
ეს რა დილა გაუთენდა
ამ ჩვენს ტურფა დედაქალაქს!



ბრწეინავს ცა და ბრწეინავს მიწა,
სიხარულით ბრწეინავს თვალიც...
საქართველოს სიამავედ
დღეს ავირჩევთ ჩვენს დიდ სტალინს!

მასხრებს და გრძობას მძატებს
მზე ჩირაღდნად ამოსული...
ახალ ჰანგზე ახმატებილდა
მეთურამეტე გასაფხული.



ახმატებილდა... და ხმას მისცემს
ხალხი თავის ნდობა-სურვილს,
ვინც ცხოვრებამ კვირად წარდა,
მას ირჩევს და მასვე უგლის.



ხალხი ნათელ შუქმოსილი
დღეს დიმილით დგება ეუთთან,
მღერის ლაღად მხრებგაშლილი
და სიცოცხლით ხარბად სუნთქავს.




მზე ბურთივით ამოგორდა,
ცამ გაიხსნა ძეგრდის დილი,
მთაწმინდიდან ელვარება
გადმოეფრქვა უხვად თბილისს...



მ ა ქ ს ი მ გ ო რ კ ი

(გარდაცვალებიდან 2 წლისთავის შესრულების გამო)



დაუფიქარია გორკის ძლიერი მხატვრული სახეებით დახატული „კლიმ სამგინის ცხოვრება“, „თომა გორდევი“, „დედა“, „ფსკერზე“, რევოლუციური ბრძოლის მომასწავებელი ჰიმნი „ქარიშხალა“ და სხვა მრავალი, რომელიც მშრომელთა ფენებში ზიზღსა და ბრძოლის წყურვილს აღვივებდა თვითმპყრობელობის წინააღმდეგ.

გორკიმ ბევრი რამ გააკეთა პროლეტარიატისა და რევოლუციისათვის. 1905 წლის დეკემბრის აჯანყების დროს, მოსკოვში, გორკი აქტიურ მონაწილეობას იღებს აჯანყებულთა შეიარაღების საქმეში. იგი ერთერთი ორგანიზატორია ბოლშევიკების ლეგალური ორგანოს „ახალი ცხოვრებისა“, რომელიც მეფის მთავრობამ მალე აკრძალა.

1907 წელს ლონდონში, პარტიის V ყრილობაზე, გორკიმ პირველად იხილა ლენინი, ჩაუკვირდა მის მსჯელობის რკინისებურ ლოგიკას, უმაგალითო შეუპოვრობას და თავდადებულ ბრძოლას იდეისათვის. გორკი დარწმუნდა, თუ ამ რკინისებური ადამიანის მგზნებარე კამათში, რომელიც მიმართული იყო მენშევიკების წინააღმდეგ, რამდენი სიმტკიცე, დიდბუნებრივობა და ისტორიული სიმართლე იყო; ამიტომ დაუახლოვდა ლენინს, შეიყვარა და მისი განუყრელი მეგობარი გახდა. ლენინი ხშირი სტუმარი იყო გორკისა, როცა ეს უკანასკნელი იტალიაში კუნძულ კაპრზე ცხოვრობდა. აქ ლენინი და გორკი საუბრობდნენ ბრწყინვალე მომავალზე, თავიანთი საყვარელი სამშობლოს — რუსეთის თვითმპყრობელობის უღლიდან განთავისუფლებაზე.

ლენინი გორკის მიმართ დიდ მზრუნველობას იჩენდა.

სტალინისა და გორკის ურთიერთობა, მეგობრობის საუკეთესო ნიმუშია.

გორკი სტალინში ხედავდა ძლიერ ადამიანს და სწამდა, რომ მხოლოდ მას შეეძლო დიდი ლენინის შეცვლა. გორკი ხშირად ესაუბრებოდა სტალინს განზრახულ მომავალ ნაწარმოებზე და გულდასმით ისმენდა სტალინის ბრძნულ მითითებებს.

ლიტერატურული მოღვაწეობის 40 წლის შესრულების გამო სტალინი სწერდა გორკის:

„ძვირფასო ალექსი მაქსიმეს-ძე!
გისურვებ მრავალი წლის სიცოცხლეს და მუშაობას ყველა მშრომელის სასიხარულოდ, მუშათა კლასის მტრების ზარდასაცემად“.

მაქსიმ გორკიმ მთელი თავისი შემოქმედებით და ბრწყინვალე სიცოცხლით გაამართლა ბელადის ეს სიტყვები.

ორი წლის წინათ ჩვენს საყვარელ სამშობლოს ხალხის უბოროტესმა მტრებმა ხელიდან გამოსტაცეს XX საუკუნის უდიდესი რუსი მწერალი მაქსიმ გორკი.

გორკის სახელი მკიდროდა დაკავშირებული ჩვენი პარტიის გმირული ბრძოლის ისტორიასთან. ის მუდამ, სიტყვით თუ საქმით, ბოლშევიკური პარტიის რიგებში იღგა.

მუშის ოჯახიდან გამოსულმა გორკიმ უტყუღმართი ცხოვრების დახლართული გზა გაიარა. 1873 წელს მამა მოუკვდა, 5 წლის ბავშვი დედის ანაბარა დარჩა; დედაც მალე გარდაეცვალა. პატარა ალიოშა იძულებული იყო ლუკმაპურზე თვითონ ეზრუნა. ვინ მოსთვლის, სად არ იყო და ვისთან არ მუშაობდა: მეჩქემესთან, მხაზავთან, მეხატესთან, გემის მზარეულთან, მებაღესთან, მეფუნთუშესთან, ხოლო როცა წამოიზარდა, მუშაობდა ნავსადგურის დღიურ მუშად, ღამის დარაჯად, ბურახის გამყიდველად. მან ძველი ცხოვრების ყოველგვარი სიმწარე იგემა, ყოველი ბნელი კუნჭული გასინჯა, საკუთარი ზურგით გადაიტანა წარსული მონური ცხოვრების აუტანელი სიმძიმე და შემდეგ შემოვიდა ლიტერატურაში. ამიტომაც, რომ გორკის ნაწარმოებებში ყველაზე კარგად აისახა მშრომელთა დაბალი ფენების გაუგონარი დამცირება, აუტანელი ექსპლოატაცია და დუხჭირი ცხოვრება.

ქუჩი

ა. მ. გორკის მოთხრობა „ქუჩი“ დაიბეჭდა ბაზეთ „ნიჟეგოროდსკი ლისტოკის“ № 16-ში 1896 წელს ფსევდონიმით „ვიდაც“. ის მოთხრობა გორკის თხზულებათა კრებულში არ შესულა.



ვიდი წლის ბიჭუნა უკვე დიდი ხანია უტრიალებდა სხვადასხვა წერილმანით—სავარცხლებით, ჯაგრულებით, საპნით, პორტმონეთი—მოვაჭრის ფარდულს. ვაჭარს არ ეცალა, მას საფულეს ევაჭრებოდა ორი ახალგაზრდა, რომლებიც დაღონებული სახით ათვალეერებდნენ ნივთს. ისინი უნდობლად ისმენდნენ ვაჭრის დამაჯერებელ ლაპარაკს, რიგრიგობით ხან საფულის საკეტს უჩიკინებდნენ თითს, ხან ცხვირთან მიიტანდნენ მას, სინათლეზე სინჯავდნენ, მერე ფარდულზე დებდნენ და მტკიცედ ამბობდნენ:

— ორი აბაზი.

ისინი როგორღაც ბაძავდნენ ერთმანეთს—ერთი დაწვრილებით იმეორებდა მეორის მოძრაობასა და მის ყოველგვარ მანქვას.

აღშფოთებული ვაჭარი ეუბნებოდა მათ:

— ორი აბაზი. ეხ, თქვენ კი რა გითხრათ! მე თვითონ სამი აბაზი მიზის. ჰო, მოიცათ, — აჩერებდა მათ. — თერთმეტი შაური, გინდათ?

— ორი აბაზი, — მონოტონურად იმეორებდნენ მუშტრები. და ხელახლა იწყებოდა ვაჭრობა.

თუმცა საქმით იყო ვაჭარი გართული, — მაღალი წითური კაცი ცბიერი თვალებითა და მჭიდვით თითებით, რომლებზედაც სქლად ამოსვლოდა ბალანი, — ის ცალი თვალით დაჟინებით უთვალთვალებდა ბიჭის ყოველ მოძრაობას. ახალ-

გაზრდებს გარდა ფარდულთან იდგა კიდევ სამი კაცი, რომლებიც თვალყურს ადევნებდნენ ვაჭრობას, ბიჭი კი მათ შორის ტრიალებდა და ისიც უთვალთვალებდა ვაჭარს.

ბიჭი ფეხშიშველა იყო, ჭუჭყიანი, დაფლეთილი ბლუზით, უქამროდ; მის ჩოფურა, მზემოკიდებულ ჭუჭყიან სახეზე ქვეშევრემ გამოიყურებოდა მოელვარე ნაცრისფერი ცოცხალი თვალები, და მათ ელვარებოდა სიხარბე გამოიხატებოდა.

— კარგი, ცხრა შაური, — თქვა ერთერთმა მუმტარმა და მტკიცედ ჩაიჭნია ხელი.

— ცხრა შაური, — გამოძახილივით გაიმეორა მისმა ამხანაგმა და ორივე შეაჩერდა ვაჭარს. მათ თვალებში მოლოდინი იხატებოდა.

ვაჭარმა ნაძალადევად გაიღიმა და საცოდავად ალაპარაკდა:

— ჯელებო, განა ზარალით უნდა ვივაჭრო? მეც ხომ ვჭამ, ვსვამ, ცოლი და შვილები მყავს. უნდა მოვიგო თუ არა კაპიკი?



— შენი ნებაა, — უთხრეს მუსტრებმა და დაიძრნენ ფარდულიდან. მათ მიჰყენენ მაცურებლებიც. ამ მოძრაობამ შეაშფოთა ბიჭუნა, ის დაიღუნა, გაუძვრა ორ ახალგაზრდას შუაში, წინ გაიწვდინა ხელი, აიტაცა ფარდულიდან ერთი ნაჭერი საპონი და... გულადმა გაიშხლართა მიწაზე.

— აჰა, შევიღოსან! — გამარჯვებულივით თქვა ვაჭარმა, რომელსაც ხელი წაეგლო ბიჭუნასთვის ფეხში და თავისაკენ მიათრევდა მიწაზე. მან ფარდულის ქვეშიდან წაავლო ბიჭუნას ხელი, და ახლა ბიჭუნა ანკარასავით იკლაკნებოდა, ქვაფენილს ებჯინებოდა და თავისუფლად ფეხს აქანავებდა. მუცელზე დაწოლილი მიემგზავრებოდა ფარდულის ქვეშ.

აი, წითურმა ხეპრემ მეორე ფეხშიც წაავლო ხელი და თავისაკენ გამოსწია ბიჭი, რომელმაც ამ დროს ნიკაპი დაჰკრა ქვაფენილის ქვეს, და ბოლოს ბიჭი პირისპირ დაუდგა ვაჭარს. იგი იღვანა მის მუხლებს შორის, წითურ ხეპრეს მაგრად შეებოჭა მუხლებითა და მჭიდვით თითებით, რომლებიც ბიჭისათვის მხრებზე დაეწყო. ბიჭი წოვდა გახეთქილ ტუჩს, გვერდზე აფურთხებდა სისხლსა და ნერწყვს და წყნარად იცდიდა. მას ხელები ჩაეშვა სხეულის სიგრძეზე და ხელისგულები მუხლებზე დაედო ვაჭრისათვის.

ვაჭრის დიდ შავ თვლებში კმაყოფილება იხატებოდა, მას ღიმილისაგან დაეკრიჭა კბილები, რომლებიც ელვარებდა ხშირ წითურ წვერში; იგი ათვალეირებდა ბიჭუნას და ხმას არ იღებდა, ალბათ, იმაზე ფიქრობდა, თუ როგორ უნდა დაესაჯა ქურდი.

ქურდს კი უთანაბროდ აულ-დაუდიოდა გული და მხრები უთრთოდა. მის ჩოფურა სახეზე იხატებოდა შიში, სევდა და მოლოდინი.

— აბა, — დაიწყო ვაჭარმა წარბების შექმუხვით და კბილები ერთმანეთს დააჭირა, — რა უნდა გიყო ახლა შენ, ა?

ბიჭმა მხრები აიჩჩია.

— საპატიმროში ამოგაყოფინო თავი, თუ მიგტყეპო? ამოიჩჩიე, რომელი გირჩევნია...

— მაპატიე, ბიძია, — სევდიანად თქვა ქურდმა,

— გა-პა-ტიო? ერთი ამას უყურე! აბა როგორ შემიძლია, შევიღოსან, პატიება? შენ ქურდი ხარ.



ნივთი მომპარე, მაშასადამე, სატუსალოში უნდა ამოგაყოფინო თავი. თუ მე შენ, ერთ ქურდს, განატიებ, მეორე კი მეორე ქურდს აპატიებს, ერთი მითხარი, მაშინ სატუსალოში ვილა იჯდომებ?

— ბიძია, მეტს აღარ ვიხამ... — ნახევარდღისწილად წაილულლულა თვალცრემლიანმა ბიჭმა ათრთოლებული ტუჩებით.

— ეგ მე არაფერად მიმაჩნია. არა, შენ ის მითხარი, ვილა იჯდომება სატუსალოში, თუ კი ქურდებს ვაპატიებთ ხოლმე?

ბიჭი უხმოდ ატირდა. ცრემლები სდიოდა და ლოყებზე უტოვებდა ზოლებს.

— მიპასუხე, ეშმაკის ფეხო, ვინ იჯდომება? — დაუყვირა გაბოროტებულმა ვაჭარმა თვალების ბრილით და ყური აუწია ქურდს.

— ყა-ჩა-ლი-ი-ი! — ქვითინის შეკავებით წყნარად წარმოთქვა ბიჭმა.

— ოხ, ჯიბგირი! რა კონტად მომიჭრა! ახრია-ნი ბიჭი ხარ, შენ დაპატიმრება არ ავცდება. აბა, თქვი, რად ამწაპანე საპონი?

— ბიძია, ღმერთმანი, მეტს აღარ ვიხამ. არასოდეს აღარ ვიხამ, — წკრიალა ხმით შესძახა ბიჭმა.

— სსს! ნუ ღრიალებ! იქნება კიდევ ვაპატიო, მაგრამ თუ იღრიალე, — მაშინ მორჩა შენი საქმე, ძამია! ავიყვანენ და სატუსალოში ჩავაგდებენ. ორმოში ჩავტენიან, იქ კი ვირთავებია, ბაყაყები, გველები, ყოველდღე ამოგიღებენ ორმოდან და გაგვკეპლავენ ხოლმე.

ბიჭს საშინლად აუცახცახდა მხრები, ფართოდ გახელილ თვლებში შეძრწუნება გამოიხატა. ვაჭრის მუხლებში მომწყვდეული ქურდი ერთბაშად შეინძრა გასაქცევად, მაგრამ ვაჭარს მაგრად ჩაებლუჯა მისი მხრები თავისი მჭიდვით თითებით, და წკაპურტი გაჰკრა შუბლში.

— აჰა, ესეც შენ, იგემე. ერთი ამას უყურე, გაქცევა არ მოინდომა... აბა, თქვი, რად გინდოდა საპონი?

— გავ-ყიდ-დი... — მორჩილად მიუგო ბიჭმა.

— მერე, ფულს რას უზამდი?

— ვიყიდდი... ერთ გირვანქა... პურს...

— კიდევ?

— ბავარიის ბურახს... ნახევარ ბოთლს...

— ოჰო, — გაიღიმა ვაჭარმა, — კიდევ?

— მეტი არაფერი არ მოვა... — ამოიოხრა ბიჭმა... — მხოლოდ რვა კაპიკს იძლევიან საპონში.

— აჰა, მაშასადამე, პირველად როდი იპარავ შენ საპონს, არა? აბა როგორ უნდა ვაპატიო, რაკა შენ ასეთი ავაზაკი ყოფილხარ?

ქურდმა თავი ჩაქინდრა და გაჩუმდა.

— განა შინ კი არა გაქვს პური?

ქურდმა ამოიოხრა, თავი ვადააქნია, ხელი მისე-მოისვა სახეზე და ცრემლებით სულ მოითხუნა.

— განა დედა, მამა პურს არ გაჭმევენ.

— მამა არა მყავს...

— აბა სად არის?

— არ ვიცი.

— დედა?

— ის სულ ლოთობს...

— ჰოო, — გააქიანურა ვაჭარმა. მას უკვე მოწყინდა ამ ქურდთან დავიდარაბა. მან კიდევ დაამთქნარა.

— ბიძია, გამიშვი! წყნარად უთხრა ბიჭმა, თავი მიიბრუნ-მოიბრუნა და ჯერ ერთ აქერცლილ ხელზე აკოცა წითურ ვაჭარს, მერე მეორეზე. ვაჭარს

ესიამოვნა ეს კოცნა. მან წვერებში ჩაიციხა... თანაც შორიდან მის საქონლიან ფარდულს მოსჩერებოდნენ ორი ქალი და პატარა გოგონა. ვაჭარმა ამოიხრა.

— კარგი, წადი...

ქურდმა ერთბაშად გაიწია, მისი სახე სიხარულით აენტო.

— არა, ეი! მოიცა, ჯერ ყურებს აგიწევ.

მედიდურად, ხელის თანაბარი მოძრაობით აქნებდა წითური კაცი ბიჭის თავს აქეთ-იქით. ცალი ყური რომ დაუსრისა, ახლა მეორეს მიჰყო ხელი. მის სახეზე სიამოვნება არ იხატებოდა ამ ოპერაციისაგან, მასზე გულგრილობა აღბეჭდილიყო და მხოლოდ შემდეგ წაუთაქა ბიჭს კისერში და უთხრა:

— აბა, გასწი. მე კი არ დაგავიწყდე!

ბიჭს სახე გაუბრწყინდა, ხელებით ეჭირა გაცეცხლებული ყურები. მან რამდენიმე ნაბიჯი გადადგა გვერდზე და უეცრად შემოტრიალდა... ვაჭარი გაოცდა.

— რაო, არ გეყო? — ჰკითხა მან წარბების აწევით.

— ბიძია... — წყნარად დაიწყო ბიჭმა და ვედრებით შესცქეროდა წითელ სახეში, — კაპიკი მომეცი.

— აქ მო... — უთხრა ვაჭარმა წარბების მოკუმხვინით.

— ნიკიტა ეგორიჩი, — დაუყვირა მან ქუჩის მეორე მხარეს ვილაცას, ბიჭისათვის კი მხრებში ჩაეგლო ხელი...

ქუჩის მეორე მხრიდან გადმოდიოდა კუშტი პოლიციელი და ხმალი ხელით ეჭირა.

ბიჭმა სახეში შეჰხედა ვაჭრს. ვაჭარის სახეც კუშტი იყო. მაშინ ატირდა ბიჭი, მოიკუნტა რა ახადგადა. მისი თავი როგორღაც ძვრებოდა მხრებში.

— ნათლია, ქენი სიკეთე, საუბნო პოლიციის სამმა-



რთველოში გაგზავნენ, — თქვა ვაჭარმა და თითო წაჰკრა ქურდს თავში.

— რა მოხდა, აწაპნა? — უბრალოდ იკითხა პოლიციელმა და ხელში მოჰკიდა ბიჭს ხელი.

— ერთი ნაჭერი საპონი... გათახსირებული ბიჭია.

— ჩვენ ნაცნობები ვართ, — თავი დაუქნია პოლიციელმა. — წამოდი, მიშკა, თუ რა გქვია?

— მიტკა... — მორჩილად მიუგო ქურდმა.

— მიტკა... ჰაიდა! აქ ჩვენ ფეხითაც მივალთ, ახლოა. ისინი წავიდნენ. ბიჭი ვერ ეწეოდა პოლიციელს და ქვებზე ხტოდა. ვაჭარი მისჩერებოდა მათ, ამოქნარებდა და ტუჩებზე პირჯვარს ისახავდა.

თარგმანი შ. თაბუკაშვილისა.



გიორგი ქაჩიშვილი

როცა ეწვიე ჩვენს მზიურ მხარეს,
გზაში ყვავილებს გიფენდით ულევს...
ო, როგორ დავსტკბით, როგორ ვიხარეთ,
პიონერებიც რომ გვინახულე...



რა ბედნიერი ვიყავით მაშინ,
რა სიყვარულით მოვევსაუბრე...
თითქოს სიზმარში გხვდებოდით ტავით
შენ, ვინც დაბალ ხალხს ეჭირისუფლე...



რას ვიფიქრებდით, თუ ის შეხვედრა
იყო პირველი და სამუდამო?!

დაგვემშვიდობე ყველას გულმედგრად
და მოგონება დაგვრჩა საამო...



თურმე, შავ-გულით და თეთრი კბილით
შენს ოჯახს გველთა ხროვა ესია...
მოგწამლეს... ო, ეგ შენი სიკვდილი,
ყველა სიკვდილზე უმძიმესია...



წყვეულმც იყოს აწ და მარადის,
ვინც მოგისწრათა სიცოცხლის დღენი...
შენ კი, სულმნათო, უფრო ამადლდი
და გზას გვინათებს კაშკაში შენი...

ბიბლას უბურება

დასავლეთ საქართველოს ერთ პატარა ქალაქში მესამე წელია სწავლობდა ობოლი ბიჭი გიგლა. ომის საშინელებას გიგლას ოჯახამდისაც მიეღწია: მამა ავსტრიის ფრონტზე მოეკლათ. მამის სიკვდილის შემდეგ ექვსმა თვემ განვლო, მაგრამ გიგლას ხსოვნაში მისი ნათელი სახე წარუშლელი დარჩა.

მოიგონებს თუ არა გიგლა მამას, — ტირილი წასკდება. ასე მოუვიდა დღესაც. ცრემლები რომ ვერ შეიკავა. გაყვითლებული სახე უზომოდ დაეღმიჭა, წამოდგა და მასწავლებელს შეეხვეწა:

— ბატონო, კარში გამიშვი! — ძლივს ამოთქვა მან და შალის გრძელი ბეწვებიანი სახელოთი ცრემლები მოიშრალა. ხმელმა შალმა თვალები ამოუწითლა.

მასწავლებელმა გარეთ გაუშვა.

როცა გიგლა მერხების რიგს გასცილიდა, საშინელი ხველა აუტყდა. გული ძლივს დაიწყნარა, მაგრამ, დახეთ მის უბედურებას: სურდოთი შეპყრობილივით სამჯერ ისე მაგრად დააცემინა, რომ თუთის წნელის ქამარი გაწყდა, შარვალი ჩავარდა.

გიგლამ სწრაფად შეიბნია შარვალი, მაგრამ ბავშვების დაწყნარებას არაფერი ეშველა.

ნაპირიდან გადმოსულ მდინარეს უფრო მალე შეაკავებდა კაცი, ვინემ მათ თავაწყვეტულ სიცილხარხარს.

ხმაურზე სკოლის ფანჯრებს ქუჩის უსაქმური ხალხი მოაწყდა, ზოგმა თავიც კი შემოყო გაღებულ ფანჯრებში: ხედავ, რა თვალის სერიო ხდება აქაო!

— აი შე შარვალჩავარდნილო!

— აი, შე ჩამოხეტლო! — წამოსძახეს ყოველ მხრიდან ბავშვებმა.

ზოგიერთ მოწაფეს მართლა სძულდა ეს ობოლი ბიჭი. გიგლამ კარგად იცოდა, რომ ასეთი სიძულვილის მიზეზი მარტო მისი სიღარიბე და გაჭირვებული ცხოვრება როდი იყო, არამედ ის, რომ იგი ყოველთვის ბეჯითად სწავლობდა. ისეთი დღე როგორ გამოერეოდა, რომ გიგლას გაკვეთილი არ სცოდნოდა.

დამამცირებელი სიტყვები ხშირად ესმოდა მას, ძალიან სწყინდა, ჯავრობდა, მაგრამ სწავლაზე გულმინდობილი იმედს არ ჰკარგავდა და უფრო და უფრო ეწაფებოდა წიგნების კითხვას.

გიგლას მამის სიკვდილის შემდეგ ერთხელაც არ გაუხარია, ერთხელაც არ ჩაუსუნთქავს თავისუფლად მაისის სურნელებით გამთბარი ჰაერი.

გახარება კი არა. ნეტავი ტანზე ეცვას რაიმე მთელი.

ომში წასული ბიძის ან უფროსი ძმის გამონაცვალ შარვალს თუ მიუტეებდნენ, და ამით გიგლა იმდენად გაიხარებდა, რომ მთელ კარმიდამოს სულ ცეკვითა და ხტუნვით შემოირბენდა.

ამ სკოლაში გიგლაზე პატარა და ღატაკი არავინ იყო. ოჯახშიაც ყველაზე უმცროსი იყო. მის გარდა დედამისს შვიდი შვილი ჰყავდა. ამდენ ხალხს ცოტა ჭამა-სმა და ჩაცმა-დახურვა უნდოდა? ამიტომ ნახევრად მშიერ-მწყურვალ გიგლას მხრები თითქოს ჩამოჰვარდნოდა, ძვლები კი დაფლეთილ ხალათში უსიამოვნოდ ამოჰკუხოდა. ფართე და მიმზიდველი თვალები დიდ ნატანჯ კაცივით ჩაჰშავებოდა.

გიგლამ გული იჯერა ტირილით, მერე წყალი დალია და სკოლის დიდი ეზოდან დერეფნისკენ გაეშურა. ეზო ძალიან ფართე და გრძელი იყო. ირგვლივ ნაირსურნელოვან ყვავილებს მაისის მშვენიერ დღესავით გაეხსნა გულმკერდი და სასიამოვნო სუნს აფრქვევდა. სულმეწუხებულმა ბიჭმა რაღაც არაჩვეულებრივი სიტბო იგრძნო. ერთს ქორუად გადაშლილ ხავერდის ვარდს ყლორტში სწვდა, მოსწყვიტა და ისე ჩაიკონა გულში, როგორც ამ ერთი წლის წინ ჩაიხუტა მამამ გიგლა ომში წასვლისას.



— რას გაშტერებულხარ, ბიჭო, მანდ? — მოესმა გიგლას ბოხი ხმა საიდანღაც. ფოთლებდაქმუჭვნილი ვარდი მტვერში ჩაუვარდა, თითქოს ქურდობაზე შესწრეს. მან ვარდის ფოთლებს ფეხი დააფარა და მანამდი სრისა, სანამ სულ მიწაში არ ჩაფლა.

— შენ, ეი, თავკომბალა, არ გესმის, მოდი აქ! ახლა კარგად გაახილა გიგლამ თვალი და დაინახა, რომ პავლოვსკი, სამასწავლებლო სემინარიის დირექტორი, ხეივანში დასეირნობდა.

თავის სიცოცხლეში ისე არავისი ჰშინებია გიგლას, როგორც ამ ცხვირგაწითლებული დირექტორის. მისი ბრჭყვილა თვალები და ბურჩხასავით ხშირი უღვაშები ყოველთვის ელანდებოდა მას. რომ იტყვიან ღარიბ კაცს ქვა აღმართში დაეწვევო, ისე მოუვიდა გიგლას: ვისიც ასე საშინლად ეშინოდა, მას წააწყდა.

გიგლა დირექტორისაკენ წავიდა.

საცოდავი სანახავი იყო იგი ახლა.

მუცელგამობერილი პავლოვსკი გულზვიადად დაჰყურებდა მას. გრძელი უღვაშები ზევით აეპრიხა, ხელები ჯიბეებში ჩაეწყო და გასიებული ღიბი უფრო წინ წამოეწია.

— შენი გვარი, ბიჭო?

— დარსაველიძე, ბატონო!

— დარსაველიძე! — ჩაილაპარაკა მან და განაგრძო: — დარსაველიძე, წაერთიე სკოლაში!

პავლოვსკიმ უაზროდ ჩაიხეხინა, თავისი ჩაბუე-ბუეებული ხელები გიგლას წაწვრილებულ კისერს გველივით შემოჰხვია და მანამდე ატრიალა, სანამ თავბრუ არ დაეხვა ბავშვს.

— რას მერჩით, ბატონო! — თავისდაუნებურად წასცდა გიგლას ეს სიტყვები. თავი შეაბრალა, მაგრამ სანუგეშო ვერაფერი შეამჩნია მის მრისხანე სახეზე.

გიგლას ცრემლები მოერია. ფეხები ძლივს აათრია და უხალისოდ წავიდა სკოლისაკენ.

პავლოვსკიმ თვალი გააყოლა, გიგლას შარვალი სწორედ ტანის უკანა რბილ ნაწილთან გამოჰხეოდა, ტიტველი ხორცი მზით დამწვარივით მოუჩანდა. გამოხეულ წალაში ჩალის ფუჩეჩი ჰქონდა ჩაფენილი. ფუჩეჩს წვერი გამოეყო გარეთ, დასველებულიყო ტლაპოში და ყოველ ფეხის აწევისას ტალახი ტანზე ეწებებოდა.

ამის დანახვაზე პავლოვსკინ სულელივით გადინახარა. დამცინავი ხმა გიგლას დერეფანში დაეწია, გული მოუწამლა, ნატყვიარივით დაბარბაცდა. სახეგაფითრებული ერთს ადგილას შედგა, მერე ნელა შეაღო სკოლის კარები. ბავშვებმა გამოჩენისთანავე მძლავრი სიცილი შემოაგებეს.

— შარვალზე მოიკიდე ხელი, არ ჩაგვარდეს! — კიდევ მოაძახა ვილაკამ ბოლო რიგებიდან.

მასწავლებელმა გიგლას დაჩაგვრა ვერ მოითმინა:

— ზარმაცებო! გაჩუმდით!

ამ სიტყვებმა გიგლა ოდნავაც ვერ დაამშვიდა მართალია, მასწავლებელს მისდამი გულთბილი და მოკიდებულება თავიდანვე ჰქონდა, მაგრამ მასწავლებელი დასაქმდა ვერ ამეძლავნებდა მას.

სკოლაში სიჩუმე მხოლოდ მაშინ ჩამოვარდა, როცა ვალდებულ კარებში პავლოვსკის მრისხანე სახე მოულოდნელად გამოჩნდა. პავლოვსკიმ მასწავლებელი დერეფანში გაიხმო და დიდხანს ელაპარაკა რუსულად.

მასწავლებელი დაღონებული შემოვიდა, გიგლას მაგიდასთან ვიდა, რამდენიმე წუთს ხმაამოუღებელი იდგა მის წინ. ბავშვები ისე გაიტვრინენ, რომ ბუზის გაფრენასაც გაიგონებდით. მერე მან ალერსიანად მოუსვა ხელი თავზე გიგლას და უთხრა:

— გიგლა, წადი, ბიჭო, შინ და ამ ორ დღეს ნუ მოხვალ! — მასწავლებელს უჭირდა ამის თქმა, მაგრამ რა ექნა?

— ბატონო, რა დავაშავე ასეთი? — ატირდა გიგლა და ხალათის გულისპირს რამდენიმე წვეთი ცრემლი დაეცა.

თუ ამდენხანს ღვარძლიანად დასცინოდნენ ამხანაგები, ახლა სრული ღუმელი ჩამოვარდა. გიგლას ახლობელმა ამხანაგმა, ბუხუტიამ, ვერ მოითმინა და სახეწამოწითლებული წამოვარდა:

— ბატონო, დატოვეთ სკოლაში გიგლა, რას ერჩით მაგ საწყალ ბიჭს, რომ არაფერი გაუფუჭებია! — და ისიც გიგლასაკენ აზლუქუნდა. მისმა ტირილმა სხვებზედაც იმოქმედა.

მასწავლებელი ქანდაკებასავით იდგა. ეს გამოცდილი ადამიანი საკუთარმა უძლურებამ შეაწუხა, რა ვარ ახლა მე, თუ ერთი საწყალი მოწაფის ბედისათვისაც ვერ მომივლიაო, — წუხდა იგი. გიგლა შინ წავიდა.

ღუმელი დიდხანს გაგრძელდა.



¹ ხშირდერებიანი ბალახი, იზრდება ნარწყავ, დაბლობ ადგილებში.



2.

ავებში ჩაცმული გაიანე ხბოს თბილი წყლით ბანდა. გაწუწუ-ლი ბოჩოლა თავის პაწია პირს ჩვილ ბალახს უცაკუნებდა. ეზოს კარი აჭრილდა ბოჩოლა შე-კუნტრუშდა, ეგ... საძოვრიდან

მოსული დედა რძით გატენილი ჯიქნების გამოსაწო-ვად ეძახდა. რქებდაშვებული ძროხის მაგივრად გიგ-ლას გაყვითლებულ სახეს რომ შეჭხედა, წელი ზარ-მაცად ჩაზნიქა და აღერებულ ბალახს უსიამოვნოდ წაეთამაშა.

გიგლა თხილის წნელით დაღობილ ჭიშკარს ამო-ეფარა. კარგახანს იქნებოდა ასე უგრძობლად და-ყუდებული, რომ მეზობლის ტახს ჩელტის ჭიშკარი დინგზე არ წამოეგო ღრუტუნით.

ამ ხმაურზე გაიანე ქაქანით გაიქცა ორღობისა-კენ. გაიანე ვაფითრდა, იმ სამგლე ღორის მაგივ-რად თვალებამოწითლებული გიგლა შერჩა ხელში.

— აქ რა გინდა, ბიჭო?

— ჰმ!—წაილულულა გიგლამ.

— შე ცეცხლმოკიდებულო, იეშმაკე რამე?

— არა, დია, არა, მასწავლებელმა მითხრა ახლაცე შინ წადი და ორ დღეს ნუ მოხვალო.

— უბედურო, უბედურო, შენხელა ბიქს იმდენი ჭკუა უნდა გქონდეს, რომ გაიგო, მამა არა ვყავს

(გაგრძელება იქნება)

და ამიტომ კარგად უნდა ისწავლო, არ უნდა იეშ-მაკო, შენ კი რა მიქენი დამლუპე ქალი და ამო-მაგდე: დამიჯექი სახლში გულსაკლავად, ვინაშნა ვაჭირვება არ მქონდეს!

ასე არასოდეს არ გასჯავრებია დედა პატარა გიგლას. მართალია, გაიანეს არ სჯერა გიგლას ჭკო-ლიდან გამორიცხვა, მაგრამ გული როგორ დაიმ-შვიდოს ხეალამდის?

გიგლამ თავი დააღწია დედის საყვედურს, პა-ტარა ბოჩოლას ჩვილი ბალანი საპნით დაუბუფუქა, თბილი წყალი გადაავლო ზურგზე და მერე მზეზე გააჩერა გასაშრობად, თვითონ კი ყორეზე ჩამოჯდა.

სკოლიდან მომავალ ბავშვებს დაუწყო ლოდინი.

მეზობლის ბიჭები, ბუხუტია და არჩილა, მოსა-ხვევში გამოჩნდნენ. გიგლას მათი დანახვა ისე გაე-ხარდა, რომ ყორიდან გადახტა და გზაზე შეეგება.

— შენი საყვარელი მასწავლებელი რომ გაქე-ზებდა დიდი ნიჭიერი და ქვეყნის უკეთესი ხარო, ჰე, დაჯექი ახლა სახლში და ითამაშე რიკტაფელო-ბია!—გააჯავრა არჩილმა გიგლა და თან შურიანი თვალებით შეჭხედა.

გიგლა დალონდა.

ბუხუტიამ ხელი ჰკრა არჩილს.

— დედის გინებისა და ცემატყების მეტი რა გის-წავლია შენ! დაგავიწყდა, გიგლა ლექსებს რომ გვას-წავლიდა ზეპირად და ამოცანებსაც მისი საერთო რვეულიდან რომ ვიწერდით?—შეუბღვირა ბუხუ-ტიამ მას და გაფოთლილ ატმის რტოს ხელი შეუწია.

არჩილი თოფნაკრავივით ვაჰყვა შუკას.

ბუხუტია დიდხანს დარჩა გიგლასთან.

სიგელურა

ღერო გეგეჭორი

ჩემო ლამაზო საშობლოვ,
მორთულო ყვავილებითა,
კობწიად გამოიზირალო,
აღვსილო ეშხით, გზნებითა,
გადაქარგულო ველებით
და ათასნაირ მთებითა,—
უმალღეს საბჭოს არჩევნებს
შენ ჰხედები სიხარულითა,
შენი ერთგული შვილები

გიერთდებიან სულითა,
დადგეს ხვაი და ბარაქა,
შრომიობენ ერთის გულითა!

მაშ იხეიმი, საშობლოვ,
მორთულო ყვავილებითა,
იმხიარულე, იმღერე,
იყავ ლაღად და შევებითა,
გადაქარგულო ველებით
და მადნიანი მთებითა!

ჯამბულა



მ რამდენიმე თვის წინ მოხდა ეს ამბავი.

შორეული ყაზახეთის კოლმეურნეობა „ერნაზარში“ შეგროვილიყვნენ ბედნიერი ბავშვები.

ისინი სიხარულით ელოდნენ საყვარელი აკინის გამოჩენას.

—ჯამბული მოდის!

—ჯამბული მოდის! — აღტაცებით წამოიძახა ერთმა პიონერმა.

მართლაც, ბავშვებისკენ მოდიოდა ჭაღარა კაცი, რომელსაც ხელში დომბრა ეჭირა. ეს მათთვის კარგად ცნობილი პოეტი ჯამბულ ჯაბაევი იყო, — ყაზახეთის დიდი აკინი, სახალხო მომღერალი.

მოხუცი ბავშვებს შორის ჩაჯდა, ხელში დომბრა მოიმარჯვა და დაიწყო თავის უკვდავ ქმნილებათა დამღერება. სულგანაბული ბავშვები გატაცებით უსმენდნენ საყვარელ აკინს...

ვინ იცის, რას არ ფიქრობდნენ ისინი მაშინ. რა სიხარულსა და სიამაყეს არ გრძნობდნენ!

ბრძენ მოხუცს კი აგონდებოდა საშინელი წარსული, მწარე ბავშვობა. აი, ისიც აქ დაიბადა, — აულ ერნაზარში, მთა ჯამბულის მახლობლად, 1846 წელს! მშობლებმა ჯამბული დაარქვეს, რომ ამ მთასავით მაგარი ყოფილიყო მათი შვილი.

წამოიზარდა ბავშვი...

რა სიღარიბესა და საშინელებას ხედავს იგი: მამა, ჯაბაი, ლატაკი ყაზახია, მომთაბარე. მამას დახეული ჩაპანი აცვია. გადის დრო, გადის წლები, ჯაბაი კი მაინც დაფლეთილი ტანსაცმელით დადის ირგვლივ სიღარიბეა, ტანჯვა, წამება, საშინელება.

მოლები, ვაჭრები, ბაები, მეფის მოხელეები უწყალოდ ჩაგრავენ ხალხს, ტყავს აძრობენ მათ.

მდიდრებს უმღერის, ხოტბას ასხამს ზოგიერთი აკინი. ბაები აკინს ნადიმებზე პატიჟობენ, ნასუფრალით კვებავენ, გამონაცვალ ტანსაცმელს აძლევენ.

ხალხს არ უყვარს ასეთი აკინები, ხალხს ძულს ისინი. სამაგიეროდ თავყანს სცემენ ღარიბების ბედზე მომღერალ აშულებს.

და აი, ერთი ამგვარი აკინთავანი განთქმული სუიუმბაი არის. ჯამბული მდიდის მასთან, ჯამბული სუიუმბაის მოწაფე ხდება.

ჭაბუკი აშული იცნობს ხალხს და დომბრით ხელში სულ ხალხზე მღერის. აღტაცებული მასწავლებელი უანდერძებს მას: „დიდ აკინს საკუთარი ხმა უნდა ჰქონდეს, მიწას საკუთარი ადლით უნდა ზომავდეს, ყოველი შენი სიტყვა უნდა ჰგმირავდეს, როგორც ხანჯალი. არასოდეს არ იპირმოთნეო. ამოილე სიტყვები შენი გულიდან, როგორც წყალი ჭიდან“.

ჯამბულმა მართლაც იპოვნა თავისი სიტყვები... გულმართლად მღეროდა საკუთარ თავზე, გულმართლად მღეროდა ხალხზე. საკუთარ თავზე მღერა იგივე ხალხზე მღერა იყო, რადგანაც ჯამბული სხვე-



ბივით სიღარიბესა და გაჭირვებაში ატარებდა დღეებს.

და რამდენი ლექსი შექმნა წყვდიადით მოცულ ყაზახთა ცხოვრებაზე, რამდენი!

მერე მან ნახევარ საუკუნეს გადააბიჯა. სიბერე წამოეწია აკინს, თითქოს სიკვდილიც ახლოვდებო-

და! დომბრის ნაცვლად ხელში ჯოხი ეჭირა, ქრებოდა აშული, რადგან არ შეეძლო კარგი სიმღერების თქმა.

მაგრამ წლებს წლები გაჰყვა, და თვით ძველი დრო გაქრა. განთავისუფლდა ყაზახეთი, ხალხმა თავისუფლად ამოისუნთქა. ჯამბულს ახალი ძალა და ენერჯია შეემატა. მან დაიწყო სიმღერა დიდ ლენინზე, დიდ სტალინზე, თავისუფლებასა და მეცნიერებაზე.

„გვესმის შენი ხმა მთელ მსოფლიოს დევნიერო, ლენინ!“

ეხედავთ შენს თვალებს, — ვით ზაფხულის მზის ნათელ სხივებს“...

გულმართლად, საქვეყნოდ მღერის საყვარელი აშული. ახლა მას არ ეშინია სიბერის, თუგინდ კიდევ უფრო იმატოს წელთა სიმრავლემ.

— „ჯამბული ოთხმოცდაათის გამზადარა...“

ემღეროდი ყოველთვის თეთრი და ჭაღარა.

სიბერე ვერ მომერია,

ჯამბული ბედნიერია.

სინარულს გადმოგცემთ მე, განა ავეყავი, ვით ჩემი ქვეყანა სტალინმა ჯამბულს სიყრმე მარჯუა, ჯამბული გადიქვა ჭაბუჯად“.

მღერის ჯამბული, მღერის და მღერის: **სინარული გინგულირთაქა**

ჩვენ სხვა ყოფა გვქონდა კრული, დაწყველილი, უმადური. და მაისში როს პირველად პიონერთა დროშით გზაზე ხელს მიქნვევნი მიზნადველად, გულდათუთქულს მაშინ მწველად ცრემლი მითრთის მოხუცს თვალებზე. გაიხარდე. ვარდნაფენი წიხ გაგშლია გზა ნათელი, შენი ქვეყნის გულისათვის გური ცეცხლით აინთები. პიონერი შენ იქნები, კომკავშირში შენ ისწავლი, ბოლშევიკად გაიხარდები.

ბავშვები ისევ გატაცებით უსმენდნენ დიდ აკინს.

6.—ლი



გიორგი კაჭახიძე

კუდბუთქუნა ლეკვი იყო, სუფთად მყავდა, კარგად ეზრდიდი; მზრუნველობას არ ვაკლებდი, გასუქდა და გახდა დიდი. ახლა ჩემი ეზო-კარი ევიწროვა, არ იკმარა, განებივრდა და სოფელში დადიოდა წარამარა.



ბრუნდებოდა შინ მაძლარი, ილოკავდა ტუჩებს მუღამ, არხეინად წასვლა-მოსვლა შეიშნო და გადიდგულდა. გუშინ დილით საბძლის უკან, სადაც ხესთან ხე დგას ძმურად, გულმოსულმა ერთი სროლით, ერთი ტყვიით მოვკალ მურა. ნუ დამძრახავთ, როგორ ფიქრობთ, განა მსურდა მოკვლა მისი? სხვა რა მექნა! არ დაინდო წიწილები ჩემი, სხვისი.

არა ერთხელ, არა ორხელ დაერია, გაჰკრა კბილი, კვერცხიც ყველგან ბევრი სანსლა და ქუქების ხორციც რბილი. მოვინდომე და ვეცადე, რომ დაეგმო ჩვევა ცული, რომ სოფელში მეღასავით არ ეხვია გრძელი კული, გავუჯავრდი, ხან დავტუქსე, ხან მივაბი თოკით, ხეზე,



ტყეშიც ბევრჯერ წავეყვანე და კურდღლებზე წავეაქეზე. ჩვენს ოჯახში საჭმელს ყველა წინ ვუყრიდით დროზე, მშრალად, ბინაც ჰქონდა, მაგრამ ძალღმა წუწკობა არ დაიშალა. შემეწუხა მეზობლები, ამიშფოთა ლობე-ყორე, გავცეცხლდი და ბოლოს მურა ერთი ტყვიით მოვიშორე.



უკანასკნელი ფარაონი

ხუთას ოცდახუთ წელს ჩვენს წელთაღრიცხვამდის ეგვიპტეზე მრავალრიცხოვანი ჯარით გაილაშქრა სპარსეთის მეფე კამბიზმა. იმ დროს ეგვიპტეს განაგებდა ფარაონ ფსამენიტი, ანუ ფსამეტიკ მესამე. ფსამენიტი შთამომავლობით დაბალ წოდებას ეკუთვნოდა. მისი მამა ფარაონ ამაზისი ოდესღაც უბრალო ჯარისკაცად მსახურობდა. მან მტრებთან ბრძოლებში დიდი გმირობა გამოიჩინა, თანდათან დაწინაურდა და ჩქარა ჯარის მთავარსარდალი გახდა. და ერთხელ, როდესაც ფარაონ აპრიასს განუწყვეტელი ბრძოლებისათვის ჯარის ნაწილი აუჯანყდა, უკანასკნელმა აჯანყების ჩასაქრობად ამაზისი გაგზავნა. ამაზისმა შემთხვევა მოხერხებულად გამოიყენა, აჯანყებულებს მიემბრო და ფარაონის მთავარი ძალებისაკენ გამოილაშქრა. ხანმოკლე ბრძოლის შემდეგ მოწინააღმდეგე დაამარცხა, თვით ფარაონი კი ტყვედ ჩაიგდო. აღუფოთებულმა ჯარისკაცებმა ფარაონ აპრიასი ნაკუწნაკუწად აქციეს და მის ადგილზე ამაზისი აირჩიეს.

ამაზისმა სახელი გაითქვა, როგორც გონიერმა მმართველმა და მშვიდობიანობის მოყვარულმა. როცა კამბიზი ეგვიპტეს დასაპყრობად მიადგა, მაშინ ამაზისი უკვე ექვსი თვის გარდაცვალებული იყო.

კამბიზმა თავისი ჯარი ეგვიპტის დედაქალაქ მემფისიდან ორი დღის სავალზე დააბანაკა და შეტევისათვის მზადება დაიწყო.

ეს ამბავი ფარაონ ფსამენიტისათვის მოულოდნელი იყო. მართალია, მან იცოდა, რომ ჯერ კიდევ კამბიზის მამა კიროსი ეგვიპტეს დაპყრობას ემუქრებოდა, მაგრამ ისიც იცოდა, რომ ამ მუქარის განხორციელება არც თუ ისე ადვილი საქმე იყო. ჯერ ერთი, ეგვიპტემდის რომ მიეღწიათ, ხუთი დღე უნდა ევლოთ ისეთ უდაბნოზე, სადაც ერთი ჭაც კი არ მოიპოვებოდა, რომ წყურვილი მოეკლათ.


მაშ როგორ შესძლო კამბიზმა ამ სიძნელეთა გადალახვა? ფსამენიტმა ჩქარა გაიგო, რომ მოლაღატე ფანესს ესწავლებინა სპარსელებისათვის ეგვიპტეში მო-

სასვლელი მოკლე გზები; მასვე მოესყიდა არაბები, რომლებსაც მტრის ჯარი უდაბნოზე გადასვლის დროს წყლით მოემარაგებინათ.

ფანესი ეროვნებით ბერძენი იყო. ოდესღაც ის ფარაონ ამაზისთან მსახურობდა და დაქირავებულ ბერძენთა ჯარის უფროსი იყო. რაღაც დანაშაულისათვის ამაზისმა იგი თანამედრობიდან გადააყენა და დაპატიმრება მოუნდომა. მაგრამ ფანესმა მოასწრო გაქცევა და სპარსეთში გადაიხვეწა. დევნილი სარდალი კამბიზმა მოხერხებულად მოისყიდა და, როცა ეგვიპტეზე გაილაშქრა, გზის მაჩვენებლად თან წაიყვანა...

ფარაონმა სასწრაფოდ შეყარა ჯარი და სპარსელებთან საბრძოლველად გაილაშქრა, დელტის მიდამოებში გაშაგრდა და მტერს ლოდინი დაუწყო.


ფანესის გამცემლურმა საქციელმა ბერძენი დიდად გაარისხა. ფარაონისათვის რომ თავისი ერთგულება დაემტკიცებინათ, ბრძოლის ველზე მოწინავე ხაზი თვითონ დაიკავეს. მათ თან ჰყავდათ ფანესის ორი ვაჟი. გაქცევის დროს ფანესმა მათი წყევანა ვერ მოასწრო, ახლა კი სპარსელებთან ერთად მოისწრაფოდა, რომ გამარჯვებული ეგვიპტეში შესულიყო და თავისი ვაჟები ენახა.



საბრძოლო ნაჯახი

როცა სპარსელები ისრის სასროლ მანძილზე მოახლოვდნენ, ბერძენებმა დაინახეს, რომ მტრის ჯარს ფანესი მოუძღოდა. ეს უკვე მეტისმეტი იყო, და გაბრაზებულებმა თავის უღირს თანამემამულეს გადასძახეს:

—ფანეს, ფანეს!! საზიზღარო მოლაღატევი!! ბერძენთა სახელის შერცხვენისათვის საკუთარი თავით



ეგვიპტელების საბრძოლო ეტლი

აგებ პასუხს! მაგრამ ჯერ შვილების უბედურებას განახვებთ!—და ბერძნებმა ვეება თასი მოიტანეს. თავზარდაცემული მამის თვალწინ ორივე ვაჟს ყელეები გამოსჭრეს, მათ სისხლში ღვინო და წყალი აურიეს და სასმისებით დასალევედ ჩამოირიგეს...

ფანესი დაჭრილი ნადირივით ღრიალებდა, სასოწარკვეთილებით თავში ხელებს იცემდა და სპარსელებისაგან შევლას ითხოვდა.

საშინელმა სურათმა ორივე მხარე შეაძრწუნა, სისხლიანი ნადირი რამდენიმე წუთს გავრძელდა, მაგრამ იგი საუკუნეებს უღრიდა...

ამის შემდეგ ბერძნები იერიშზე გადავიდნენ. მათ მიჰყვნენ ეგვიპტელები, და გაიმართა სასტიკი ხელჩართული ბრძოლა. ბრძოლას თვით ფარაონი ხელმძღვანელობდა, თავის საბრძოლო ეტლით გრივად იბრძოდნენ ბერძნები და ეგვიპტელები. მტერს დიდი ზარალი მიაყენეს. მაგრამ მათი რიცხვი თანდათან მცირდებოდა. მტრის ძალა მათ ერთიორად სჭარბობდა, და ბრძოლის ბედიც რაოდენობამ გადაწყვიტა.

სალამოსათვის ეგვიპტელები უკვე თავდაცვაზე გადავიდნენ და მეფისაგან უწყსრიგოდ იხვედნენ. მხოლოდ ღამემ დაუდო საზღვარი საშინელ სისხლის ღვრას. იმ დღეს ბრძოლის ველზე სამოციანთასი ეგვიპტელი და ბერძენი მოკვდა.

დამარცხებულმა ფარაონმა თავი მეფისის შეაფარა და იქ გამაგრდა. კამბიზს ჯერ მეფისათვის არ ეცალა, მან ქვედა ეგვიპტეს მიაშურა, საითქენაც გზა გახსნილი იყო. მისი ბრძანებით სპარსელებმა დაიწყეს მშვიდობიანი მოსახლეობის დარბევა და ძარცვა-გლეჯა. არ ინდობდნენ არავის, არც მოხუცს და არც ახალგაზრდას. მრავალი უდანაშაულო ეგვიპტელი გამოასალმეს სიცოცხლეს. სადაც კი მივიდოდა კამბიზი, ყველაფერს ანგრევდა და აოხრებდა. როცა ქვედა ეგვიპტე ააოხრა, ახლა მეფისისაგან გასწია. ფარაონს ოცი კაცი გაუგზავნა და დამორჩილება შეუთვალა. როცა მიგზავნილი სპარსელები მეფისში ავიდნენ, აღშფოთებულმა ხალხმა ყველა დახოცა და მდინარეში გადაყარა, მათი ხომალდი კი ნაფოტებად აქციეს.

განრისხებულმა კამბიზმა მეფისის ალყა შემოიკრტა და სურსათ-სანოვაგის შემოსატანი გზები ვადუჭრა. დიდხანს იყვნენ ეგვიპტელები გამაგრებულნი, გმირულად იცავდნენ თავის დედაქალაქს, მაგრამ შინაშვილმა აიძულა დათმობაზე წასულიყვნენ. დაცვა მეფისი, და ეგვიპტის დიდების მზეც დასავლეთისაკენ ჩაესვენა...

ფარაონი თავისი ამალით ტყვედ ჩაუვარდა კამბიზს. უკანასკნელმა მათი სიკვდილით დაჰსჯა განიზრახა, მაგრამ ჯერ ვერაგულ ხერხს მიმართა: მას შვილების ტანჯვა-წამება აყურებინა, დიდებულთა ქალიშვილებს, რომელთა რიცხვში ფარაონის ქალიშვილიც ერიო, დაგლეჯილი კაბები ჩააცვა და სპარსელებისათვის წყალს აზიდვინებდა. მძიმე კოკების ქვეშ ქალიშვილები წელში იდრიკებოდნენ, აგრამ შესვენებას ვერ ბედავდნენ, უკან სპარსელები მათრახებით მოსდევდნენ და შეუბრალებლად სცემდნენ. მამები უყურებდნენ თავისი შვილების წამებას და სასოწარკვეთილებით ტიროდნენ. არ ტიროდა მხოლოდ ფსამენიტი, იგი გაყინული სახით უძრავად იჯდა.

ტუსალებმა უფრო ხმამაღალი ტირილი მორთეს როცა დაინახეს, რომ სპარსელებს მათი ვაჟები დასასჯელად მიჰყავდათ. უკან ვეება ნაჯახებით ჯალათები მისდევდნენ. ყველაზე წინ ფსამენიტის ათი წლის ვაჟი მიდიოდა. როცა განწირულნი ტუსალებს მიუახლოვდნენ, მოწინავემ ფსამენიტი იცნო, მკველებს გამოუსხლტა, მამისთან მივარდა, მუხლებზე შემოეხვია და შეევედრა:

— მიშველე, მამი! მეშინია, აი, იმ კაცის მეშინია!—პატარამ ჯალათისაკენ გაიშვირა ხელი და მწარედ ატირდა. ფსამენიტს გაყინული სახე გვერდზე მოექცა, ქვედა ტუჩი ოდნავ აუკანკალდა, მაგრამ უშალვე თავი შეიკავა, შვილს თავზე ხელი გადაუსვა, მოეფერა, ცრემლებით დანამული სახე და პატარა ხელები მხურვალედ დაუკოცნა, მერე ხელში აიყვანა და გულში ჩაიკრა. ერთხანს ასე გარინდებული იდგა და განწირულ შვილს თვალეში ჩასცქეროდა. სახე მშვიდი ჰქონდა, მაგრამ თავის ოდნავი მოძრაობა მოწმობდა, მამის გულში რა ჯოჯოხეთიც ტრიალებდა.

მკველებმა ძლივს მოაშორეს შვილი მამას. პატარას მაგრად ჩაებლუჯა მამის კალთისათვის ხელები და არასგზით არ აპირებდა გაშვებას...

ცოტა ხნის შემდეგ სპარსელებს ჩამოუარა ერთმა მოხუცმა შემოძარცვული ტანსაცმელით და მოწყალეობა ითხოვა. მოხუცის დანახვაზე ფსამენიტი ფხზე წამოვარდა და ხმამაღლა ატირდა.

— ო, საბრალოვ, რა უბედურებაა შენ თავს! ნუთუ ისე დაეცი სულით, რომ მტრისაგან მოწყალეებას ითხოვ!—გადასახა ტირილით ფსამენიტმა მათხოვარს.

მოხუცი, რომლის დანახვამ ასე ააფორიაქა ეგვიპტის ყოფილი ფარაონი, იყო მისი აღმზრდელი და მეგობარი, მეფისის მთავარი ქურუმი.

გაოცებული კამბიზი ფსამენიტს მიუახლოვდა და რბილად უთხრა:

— მითხარ, უცნაურო კაცო, საკუთარი შვილების უბედურების დანახვის დროს შენს თვალებზე ცრემლი ვერ შევნიშნე, ამ მოხუცისათვის კი, რომელიც, ვიცი, შენი ნათესავი არ არის, ასე სასოწარკვეთით რად ტირი?

— კიროსის შვილო, საკუთარი უბედურება ისე დიდია, რომ მას ტირილით ვერ გამოხატავ, მეგობრის უბედურება კი შებრალებისა და ცრემლების ღირსია, — მიუგო დაღონებულმა ფსამენიტმა. კამბიზს პასუხი მოეწონა და იმავე წუთს გასცა ბრძანება. რომ მისი შვილი არ დაესაჯათ, უკან დაებრუნები-

ნათ, მაგრამ უკვე ძალიან გვიან იყო: ჯალათმა პირველად მას გააგდებინა თავი.

ამ შემთხვევის შემდეგ კამბიზმა ტუსაღები თავისუფლა, ფსამენიტს კი წინადადება მიჰქცევია.

— თუ დამმორჩილდები, ეგვიპტის მმართველად ისევ შენ დაგნიშნავო.

— შენ შეგიძლია უბრძანო ჯალათს თავი გამაგდებინოს, მაგრამ მონობას ვერ მაიძულებ, — დინჯად მიუგო ფსამენიტმა.

გათავისუფლებულმა ფსამენიტმა კამბიზს შეთქმულება მოუწყო, მაგრამ უკანასკნელმა დროზე გაუგო და სიკვდილით დასაჯა, ხარის სისხლით დაახრჩო. ასე დაასრულა თავისი სიცოცხლე ეგვიპტის უკანასკნელმა ფარაონმა...

საბელისწერო მშვილდი

ეგვიპტის დამორჩილების შემდეგ კამბიზს დაპყრობის მადა გაეხსნა. მან განიზრახა ახალი ქვეყნის დაპყრობა, პირველ რიგში ისეთი ქვეყნისა, რომელიც ადგილმდებარეობით ეგვიპტისთან ახლო იქნებოდა. ასეთი კი იყო ეთიოპია (აბისინია), და კამბიზის არჩევანიც მასზე შეჩერდა. მაგრამ ამ მიზნის მიღწევას მთელი რიგი დაბრკოლებები გადაეღობა წინ. ჯერ ერთი, სპარსელები კარგად არ იცნობდნენ ეთიოპიის ადგილმდებარეობასა და მისასვლელ გზებს, აგრეთვე არ იცნობდნენ ეთიოპიელთა ბრძოლის უნარიანობას. საჭირო იყო წინასწარ ამ ქვეყნის დახვეწვა და ცნობების შეგროვება. ამ მიზნით კამბიზმა ეთიოპიის მეფესთან გაგზავნა სამხედრო ჯაშუშები ძვირფასი საჩუქრებით, ვითომდა კეთილმეზობლური ურთიერთობის დასამყარებლად. მაგრამ ეთიოპიის მეფე ჩქარა მიხვდა, რისთვისაც იყვნენ მოსულნი კამბიზის „ელჩები“, და მათ შემდეგი სიტყვებით მიჰმართა:

— მე კარგად ვიცი, რისთვისაც მოსულხართ თქვენ. კამბიზი სრულიად არ ფიქრობს ჩემს დამეგობრებაზე. მისი მიზანია ჩემი ქვეყნის დამონება და განადგურება! გადაეცით მას ეს მშვილდი და უთხარით: თუ სპარსელები შეძლებენ ერთხელ მაინც ამის საბელის მოწვევას ისე თავისუფლად, როგორც მე, — და მან სპარსელების დასანახავად მშვილდი რამდენჯერმე მოხარა, — მაშინ შეუძლიათ ჩვენს წინააღმდეგ გამოლაშქრება, მანამდის კი შინ ისხდნენ და ალახს შეევედრონ, რომ მათ თავზე არ დავესხათ!

როცა კამბიზმა ეთიოპიის მეფის პასუხი მოისმინა, გაბრაზებულმა მშვილდს ხელი სტაცა და მისი საბელი მძლავრად მოსწია, მაგრამ რკინის ხვეული არ დანებდა, ოდნავადაც არ მოიზიდა. კვლავ მოსწია, მაგრამ კვლავ უნაყოფოდ.

— ეს მშვილდი კი არა, რაღაც მაცდურებაა! — წამოიძახა თავის გასამართლებლად გაწბილებულმა კამბიზმა, — ამის მოწვევა არავის ძალუძს! პრეკზასპეს! ჰა, შენც გასინჯე და დარწმუნდები, რომ მე მართალი ვარ; და კამბიზმა მშვილდი ერთერთ სარდალს გაუწოდა. უკანასკნელმა მძიმედ დაუჭრა თავი, მშვილდი ჩამოართვა და გაუბედავად მოსწია. საბელი უძრავად დარჩა. კამბიზს თვალები გაუბრწყინდა.

— არ გითხარით, რომ ამის მოწვევა არავის ძალუძს!

— დიად, დიდებულო მეფევ, არავის! — უმაღვე მიუგო პრეკზასპესმა.

— ვის სურს კიდევ გასინჯოს მშვილდი? — მიჰმართა კამბიზმა ირგვლივ მყოფთ, მაგრამ მსურველი არავინ აღმოჩნდა. კამბიზმა წინადადება გაიმეორა.

— მე მსურს, ჩემო მბრძანებელო! — წამოიძახა ოქროსთმინმა ლამაზმა ჭაბუკმა და კამბიზის წინ გაჩერდა. ეს იყო მისი უმცროსი ძმა ბარტია, სპარსელებში სახელგანთქმული ვაჟკაცობითა და მკლავის სიძლიერით. კამბიზმა წინდაუხედავ ძმას უკმაყოფილოდ შეჰხედა, მაგრამ მშვილდი მაინც გაუწოდა. ბარტიამ საშველად ალახი მოიხმო და საბელი მძლავრად მოსწია. მშვილდი მოიხარა. კამბიზს შურითა და ზიზლით აევსო თვალები, გამარჯვებულ ბარტიას ზურგი შეაქცია და კარებისაკენ წავიდა, პრეკზასპესს ანიშნა თან გაჰყოლოდა.



— პრეკზასპეს! ხედავ, ბარტიას თავხედობა სადამდის მივიდა! მან დღეს საჯაროდ შემარცხენა და ის შესაფერისად უნდა დაისაჯოს... პრეკზასპეს! შენ უნდა წაიყვანო სადმე ბარტია და საკუთარი ხელით მოკლა. გესმის? საკუთარი ხელით!

ამ სიტყვებით თავზარდაცემული სარდალი ფეხზე ძლივს იდგა, როგორც იქნა, ძალა მოიკრიბა და შეპბედა:

— ო, დიდებულო მეფევე, მონა შენი უძღურია ამ საქმეში...

— თუ გიმძიმს ეს საქმე, მაშ ამ სიმძიმემ გავსრისოს შენ! გამშორდი! მოიცა, სამ დღეში შედევს მაცნობებ!

მიდიოდა პრეკზასპესი შინისაკენ და თავში საშინელი აზრები უტრიალებდა. „როგორ მოვიქცე, მოვკლა თუ არა? ბრძანება უნდა შესრულდეს, უდანაშაულო ბარტია უნდა მოკვდეს! სხვა გამოსავალი არა მაქვს... ურჩობისათვის კამბიზი ოჯახს გამინდგურებს, მეც თავს მომკვდის... საბრალო ბარტია! ო, კამბიზ, კამბიზ, საკუთარ ძმასაც არ ინდობს! ვაი ჩვენ შენს ხელში!

რამდენიმე დღის შემდეგ გაყვითლებული პრეკზასპესი კამბიზის წინაშე წარდგა. მის დანახვაზე კამბიზი ფეხზე წამოვარდა და შესძახა:

— რა ჰქენ, მოჰკალ თუ არა?!

— მოვკალ, ჩემო მბრძანებელო, მოვკალ, საკუთარი ხელით მოვკალ! და სარდალმა თავში ხელი შემოირტყა და აქვითინდა.

კამბიზმა ძმის მკვლელი უხვად დააჯილდოვა.

უდანაშაულო მსხვერპლი

ბარტიას ფარული მკვლელობა სპარსელებისათვის შეუმჩნეველი არ დარჩა. „საკუთარი ძმა არ დაინდო და ჩვენ რა ხერხს დაგვაყრისო“ ამბობდნენ უკმაყოფილო სარდლები. კამბიზმა უკმაყოფილება შეამჩნია და პრეკზასპესი დაიბარა.

— პრეკზასპეს! მე მსურს შენგან გავიგო სიმართლე... რა აზრის არიან ჩემზე სპარსელები? ცუდს ხომ არაფერს ხედავენ ჩემში? პრეკზასპეს! მე მსურს სიმართლე!

— ო, დიდებულო მეფევე, — მიუგო შემინებულმა სარდალმა, — განა შეუძლიათ მათ, უბრალო მოკვდავთ, შენში ცუდი რამ დაინახონ! შენა ხარ დიდი გმირი და მიუწვდომელი, როგორც ღმერ...

— თვალთმაქცობ! — დაიღრიალა კამბიზმა, — გაიძვერავ, თავს ვერ დააღწევ ჩემი ხელიდან, სანამ სიმართლეს არ მეტყვი! თქვი ჩქარა: რა უარყოფით მხარეს ხედავენ ჩემში? აკანკალებულმა პრეკზასპესმა ძლივს წამოიხრიალა:

— გადაჭარბებით ღვინოს სვამსო.

— გადაჭარბებით ღვინოს სვამსო? აი, თურმე, რაში ყოფილა საქმე! მე ეს არ ვიცოდი! — და კამბიზმა გესლიანად გაიღიმა. — მაშ მათ ჰგონიათ, რომ მე მუდამ მთვრალი ვარ და შენ კი, ჩემო სახელგანო სარდალო, ეს ქორები გჯერა?!

პრეკზასპესმა უარყოფის ნიშნად ხელები გაასავსავა და შეეცადა თავის გამართლებას, მაგრამ ულმობელმა კამბიზმა შეაჩერა.

— არა, მე მსურს დავარწმუნო შენ, პრეკზასპეს, რომ მთვრალი არა ვარ!

კამბიზი ფანჯარას მიუახლოვდა და ძირს ვილაც შეამჩნია.

— პრეკზასპეს! ვინ არის ის ჭაბუკი, ბაღში ჩაფიქრებული რომ ზის?

სარდალი ფანჯარას მიუახლოვდა და გახეცებული დარჩა.

— არ გესმის, ვინ არის მეთქი?

კამბიზმა კარგად იცოდა, ვინც იყო იგი.

— შეილია ჩემი, დიდებულო მეფევე...

— შენი შეილია? კარგი შემთხვევა მეძლევა...

პრეკზასპეს? მომაწოდე ჩემი მშვილდ-ისარი!

სარდალი შეკრთა, თავში საშინელმა აზრმა გაუელვა, ანგარიშმიუცემლად მეფეს მშვილდი მიაწოდა.

— პრეკზასპეს! თუ მე შენს შვილს ისარს ავაცდენ, მაშინ შეიძლება სპარსელები მართალი არიან, მაგრამ თუ შიგ გულში გავუტარე, დარწმუნდები, რომ მე ჯერ ლოთი არა ვარ! შეევედრე ალახს, რომ ისარი მიზანს არ მოჰხვდეს...

თავზარდაცემული პრეკზასპესი ფანჯარას მიაწყდა და კამბიზს მკერდი მიუშვირა.

— ო, მეფევე! მე მომკალ, მე! მას შენთვის არაფერი დაუშავებია! თუმცა არც მე დამიშავებია რამ.. მე ხომ შენი ბრძანებით მოვკალ ბარტია...

ძმის სახელის გაგონებაზე კამბიზს სახე დაედრიჯა, ხელის მძლავრი დარტყმით მზღალი სარდალი გვერდზე გადაისროლა და მსხვერპლი ნიშანში ამოიღო. მერე მარჯვენა ხელი საბელს მოსწყვიტა, და ისარი მიზნისაკენ გაფრინდა. იმავე წამს ჭაბუკი უცნაურად შეხტა, ყრუდ ამოიგმინა და მოცელილივით პირქვე დაემხო: მარცხენა ბეჭის ზემოთ წითლად შეღებილი ისრის წვერი გამოჩნდა.

— ვაიმე, შვილო! — დაიღრიალა გაუბედურებულმა მამამ და კამბიზის წინ ჩაიკეცა გონებაში მხილი.

განგმირული ჭაბუკი კამბიზთან შემოიტანეს, მისი ბრძანებით მკერდი გაუკვეთეს და გული ამოართვეს. ისარს მართლაც შიგ გულში გაეკლო. კამბიზის ველურ თვალებში ალტაცების ცეცხლი ელვარებდა. მტარვალი გამარჯვებას ზეიმობდა..

(გაგრძელება იქნება)





აერისკაალი

ფრინველები

(ფრინველ-მდივანი და ზეცის ფიგლიარი)

სამხრეთის ცხელ ქვეყნებში აუარებელი შხამიანი გველია. ისინი მთლად აიკლებდნენ ცხოველთა სამყაროს, რომ მათ წინააღმდეგ, ზღარბთან ერთად, არ იბრძოდნენ გასაოცრად მამაცი ფრინველები—ფრინველ-მდივანი და ზეცის ფიგლიარი¹. საინტერესოა, რად უწოდეს ფრინველს „ფრინველ-მდივანი“? ამ ფრინველის ქოჩრის ბუმბული ძლიერ მოგვაგონებს ბატის ფრთებს, ძველად კი, როგორც ვიცით, ბატის ფრთებით წერდნენ მწერლები, მდივანები და სხვ. ფრინველ-მდივანი საყურადღებო მტაცებელი ფრთოსანია. მას აქვს წეროსავით მაღალი ფეხები, კობტად მოყვანილი ტანი, ბასრი ბრჭყალები, ლამაზი ქოჩორა თავი, თეთრი გულმკერდი და დაწინწკლული ბოლო, რომლის სიგრძე 1 მეტრსა და 15 სანტიმეტრს აღწევს.

თავზე რისხვასავით ატყდებიან. ბევრი ქვეწარმავალი ადვილად არ თმობს საყვარელ სიცოცხლეს, უცრად აიშარება შემადრწუნებელი სისინით და მედგრად უტევს თავდამსხმელს. იშარება ნამდვილი სამკვდრო-სასიცოცხლო ჭიდილი. ჩვენს მდივანს სრულიად ვერ აკრთობს გველის ფართიფურთი, ის ცალ ფრთას ოსტატურად იმარჯვებს ფარვიით, თავად კი უეცარი ნახტომებით სასიკვდილო ჭრილობებს უჩენს თავის მიდამოებში. გველი ვერ უძლებს ფრინველის შეტევებს. მდივანი მსხვერპლს სასწრაფოდ ნაკუწნაკუწად გლეჯს და ნანადირევს სიამოვნებით შეეჭევა. ამავე ქვეყანაში ასევე ებრძვის ქვეწარმავლებს ე. წ. ზეცის ფიგლიარი. მსხვილი მკვირივი ტანი, წითელი ფეხები, მცირე ბოლო, ფართე თვალები და კისრამდის აშლილი ქოჩორი აშკარად ამხელენ ზეცის ფიგლიარის ბრძოლის უნარს. გველზე თავდასხმის შემთხვევაში ის საოცარ მაღა-



აფრიკაში, მეტადრე მეწამული ზღვის გასწვრივ, ლაღად დაქრიან ფრინველ-მდივანები საკვების საპოვნელად. თუ ისინი ცუდი მწერლები და მდივანები არიან, სამაგიეროდ მათ ვერაფერ შეედრება შხამიანი ქვეწარმავალთ ჟღერაში. ძლიერ; საინტერესოა სანახავა ფრინველ-მდივანების შებმა² საშიშ გოლიათ გველებთან. ისინი ელვის სისწრაფით გამოუდგებიან ხოლმე შეშინებულ ქვეწარმავალს და მანამდის დევნიან, სანამ არ დაეწევიან. მამაცი მტაცებელი გველს

ყება და ნახტომებს³ აკეთებს, რომ თავი დაიცვას შხამიანი ქვეწარმავლის კბენისაგან. მისი ჰაერში სრბოლა იმდენად საგულისხმოა, რომ აბისინიელები მას პირდაპირ ზეცის ფიგლიარს უწოდებენ. ზეცის ფიგლიარები სუსტად მრავლდებიან. ადგილობრივ მკვიდრთ ისინი, ფრინველ-მდივანთან ერთად, დიდ სამსახურს უწევენ გველების განადგურებით. ადგილობრივი მცხოვრებნი ხშირად ცოცხლად იჭერენ ზეცის ფიგლიარებს, ეს ფრინველები კარგად იტანენ ტყვეობას და ადვილად შინაურდებიან.

ვლ. კახიანი.

¹ ფიგლიარი—მანკია, გრეხია.




ბევრს თქვენთაგანს დაუყვინთავს ბანაობის დროს, მაგრამ მალე დაღლილხართ. ასევე ემართება ყოველ ცხოველს, თუ იგი ლაყუჩებით არ სუნთქავს თევზიჭმით. თუმცა წყალში გახსნილია ცოტა რაოდენობით ჟანგბადი, მაგრამ ამით არ შეუძლია ადამიანს ისუნთქოს. ზოგი ფიქრობდა, თითქოს თუ მიღს პირით დაიჭერდა ერთი ბოლოთი და მეორე ბოლოს წყალზევით დატოვებდა; ადამიანს შეეძლებოდა წყალში გაძლება. ასეთი ცდის დროს ერთი ექიმი კინაღამ დაიღუბა. ერთი მეტრის სიღრმეზედაც ვერ ძლებს ადამიანი ასეთი მილით, რადგან ორგანიზმი გრძნობს მეტად დიდ წნევას წყლის მიერ. ამიტომ მყვინთავები, რომლებსაც სპეციალური ტანსაცმელი აცვიათ, სუნთქავენ ზევიდან მიწოდებული დატენილი ჟანგბადით ისე, რომ წნევა ჟანგბადისა და წყლისა ტოლი იყოს. მაგრამ მარტივი ხერხით მხოლოდ 5 მეტრამდის შეუძლიათ ჩასვლა მყვინთავებს, რადგანაც მოეწოდებიან წყლის სიღრმის წნევა თხელი რეზინის ტანსაცმოსზე მოქმედობს, რასაც გრძნობს ადამიანის ტანი.

უკანასკნელი დროის საყვინთო ტანსაცმელია ფოლადის სქელი ფურცლის ფუტლიარი. იგი მართლაც კარგად იცავს მყვინთავს დიდი სიღრმის წნევის გამო გაჭყლეტისაგან. შიგ მყოფი ადამიანი სრულიად ვერ გრძნობს წყლის წნევას, მაგრამ ასეთი ფუტლიარი-თაც მხოლოდ 200 მეტრამდის შეიძლება ჩასვლა სიღრმეში.

1937 წელს ამერიკელ მეცნიერს უილიამ ბიბს მზად ჰქონდა ინჟინერ ბარტონის მიერ გაკეთებული ყოველმხრივ დახურული სქელკედლიანი ფოლადის ბურთი, რომელსაც მათ ბატისფერა უწოდეს (სიღრმის ბურთი). მათ განზრახული ჰქონდათ უდიდეს სიღრმეზე ჩასულიყვნენ და ეწარმოებინათ მეცნიერული დაკვირვებანი. ცარიელი ბატისფერა რამდენიმეჯერ ჩაუშვეს საცდელად. უკანასკნელი საცდელი ჩაშვების დროს აღმოჩნდა, რომ წყალი დიდი წნევის გამო შესულიყო ბატისფერაში, შიგ მოთავსებული ჰაერი ძალიან შეკუმშულიყო. ბიბმა დაიწყო ხრახნის მოძრუნება. ხრახნის მოძრუნების შემდეგ საშინლად დაიკვლა დიდი წნევის ქვეშ მყოფმა წყალმა და უდიდესი სისწრაფით გამოვიდა მეტად წვრილი წვეთებას სახით. იგი მტვერს უფრო გავდა, ვიდრე წყლის წვეთებს. ხრახნის თვითეულ მოძრუნებისას ბატისფერაში წნევა ერთი მეოთხედი ტონით მცირდებოდა. უცებ საკეტი ჰანჭიკი გაუსხლტა ბიბს ხელიდან და, ტყვიასავით, საშინელი ზუზუნით გადაიქროლა გემის ბაქანზე, საიდანაც ხდებოდა ბატისფერის ჩაშვება.

შემთხვევით გადარჩა მეცნიერი. ამ საშინელ სისწრაფეს კედელიც კი ვერ გაუძლებდა, რომ ჰანჭიკს დაჰხვედროდა. იშვიათ სიტხემ თავისუფალი გზა და ვერტიკალური სვეტით ამოვარდა, აქაფდა და ჩანჩქერის სახე მიიღო. კიდევ რამდენიმეჯერ შეამოწმეს ბატისფერა, რომ დაიმედებით ჩაძირულიყვნენ წყალში, და დაიწყეს შიგ ჩასვლა.



გამოემშვიდობნენ გემის ბაქანზე მდგომთ, მოაწესრიგეს ყველა ხელსაწყო და შემდეგ ბიბი და ბარტონი მოკალათდნენ მეტად არასასიამოვნო ფოლადის ვიწრო ყუთში, რომლის განი 1,5 მეტრს უდრიდა. ბატისფერაში მათ ჰქონდათ ჟანგბადით ბალონი. ამონასუნთქ ნახშირჟანგს ხომ გასავალი არ ჰქონდა, ამიტომ ფსკერზე მოყრილი იყო ისეთი ნივთიერება, რომელიც შთანთქავდა ამ მავნე გაზს. ადგილის უქონლობის გამო, დაკვირვების ჩასაწერი წიგნი და სხვა აუცილებელი ხელსაწყოები კისერზე ჩამოიკიდეს. ბარტონი ფანჯარასთან დაჯდა, რომელიც მეტად სქელი

კვარციდან იყო გაკეთებული. შიგვე იყო საიმედოდ შეკვანძული ტელეფონის მოწყობილობა და პროექტორი.

—ჩაუშვით! — გასცა განკარგულება ბიბმა. მძიმე ბურთი ჩასრიალდა ჭალიდან და წყალზე დაეცა ტყლაშუნით. „ეს კი არასდროს არ დამავიწყდება“ — თქვა უსიამოვნო შერხევის დროს ბიბმა. ბარტონმა ჟანგბადის ონკანი გააღო. ბიბმა ტელეფონი მოიმარჯვა.

1 საათი და 32 წუთი გავიდა ჩაშვებიდან, და ბატისფერა უკვე 300 მეტრის სიღრმეზე იყო ჩასული. სინათლე სულ უფრო და უფრო სუსტდებოდა. გველთევზები ამ სიღრმეზე არხეინად დაცურავდნენ უცნაური ცხოველის ირგვლივ. ზღვის ვარსკვლავები დალიცილიცობდნენ ბატისფერასთან. საათი და 41 წუთი იყო გასული. ეს რა საშინელი ხმაურია? გემის სირენამ აღნიშნა 425 მეტრზე, ძველ სარეკორდო სიღრმეზე ჩასვლა.

ბარტონმა გაანათა პროექტორი. ორი დიდი გველთევზის გარდა არაფერი ჩანდა. უკვე 450 მეტრზე არიან.

— აი, ამას ჰქვია ჯოჯოხეთური დაბნელება! — უთხრა ბიბმა ბარტონს.

მართლაც წყვედიადით იყო მოცული იქაურობა. შესამჩნევი იყო მხოლოდ მედუზების ფოსფორესცირება — ნათება ამ საშინელ სიბნელეში. მაშასადამე, ამ სიღრმეში არ აღწევენ მზის სხივები. 585 მეტრის სიღრმეზე ბატისფერა ისე შეირხა, რომ ბიბი ფანჯარას მიასკდა და ტუჩი გაიჭრა კბილებით. ბარტონი კარებს მიეჯახა. ეს ყველაზე საშინელი მომენტი იყო მათი ჩაძირვის პროცესში. ორივეს ეგონა ბატისფერა მოსწყდა დაგრეხილ ბაგირსო. 630 მეტრზე, რხევის გამო, აუტანელი შეიქნა ბატისფერაში ყოფნა. 2




საათისა და 8 წუთის შემდეგ შეატყობინეს ზევით რომ 660 მეტრზე იყვნენ ჩასულნი.

4 საათზე და 8 წუთზე ამოვიდნენ ზევით, არასიამოვნო, მაგრამ შეცნიერულად მეტად საინტერესო მოვზაურობის გამო დაღლილნი.

აღსანიშნავია ის გარემოება, რომ ზღვის ღონიდან ყველა მთას აჭარბებს სიმაღლით ევერესტი, რომლის სიმაღლე 8,840 მეტრს უდრის. მაგრამ გაცილებით დიდია წყნარი ოკეანის სიღრმე — იგი 9,780 მეტრს უდრის. ზღვისა და ოკეანის ფსკერი ისევე მრავალფეროვანია, სიმაღლის მხრივ, როგორც ხმელეთი ჩრდილო პოლუსიდან გრენლანდიის ნაპირებამდის. მთელი ეს ვეებერთელა რაიონი გამოუკვლეველი იყო ოკეანის სიღრმის მხრივ და ეს ადგილები რუკაზე „თეთრი ლაქებით“ იყო აღნიშნული. პაპანინელეებმა გამოიკვლიეს ეს რაიონი, როგორც სხვა მხრივ, ისე ოკეანის სიღრმის მხრივ, და ამით მოშალეს თეთრი ლაქები რუკაზე. ოკეანის სიღრმე პოლუსზე 4,290 მეტრს აღწევს, პოლუსიდან ცოტა სამხრეთით კი — 4,374 მეტრს..

მმ. გიორგაძე





სცადეთ




1. საჩვენებელი თითები ერთიმეორეზე დააწყვეთ. მარცხენა საჩვენებელი თითი ატრიალებულ ზევიდან ქვევით წრის სახით.

2. მარჯვენა საჩვენებელი თითი კი ატრიალებულ ქვევიდან ზევით, მარცხენა თითის საწინააღმდეგო მხარეს.

3. ახლა სცადეთ ორივე თითი ატრიალოთ ამ სახით ერთ და იგივე დროს.

უბრალო გადაწყვეტა




მაგიდაზე დადევით პატარა კუბიკი და მართეთ ამხანაგებს წინადადებით: ასწიონ ეს კუბიკი ერთი ასანთის ღერით, იმ პირობით, რომ ასანთის ღერი არ გატეხონ და არც გააპონ.

ამოცანა თითქმის გადაუწყვეტელია, მაგრამ ამის გადაწყვეტა სრულიად უბრალოდ შეიძლება.

ასანთის ღერი უნდა აანთოთ და სწრაფად (სანამ თავი დაიწვებოდეს) დაადოთ ის კუბიკის შუა ნაწილში. როცა ასანთის ღერის თავი დაიწვება—ალი უნდა ჩააქროთ. ასანთის ღერი საკმაოდ მაგრად იქნება მიწვებებული კუბიკზე. ამის შემდეგ კუბიკის აწევა ერთი ასანთის ღერით იოლი ხდება.

მოაღწიეთ ჩეხაბლა



ძალიან უნდა მონადირეს მოკლას ეს კურდღელი. მაგრამ კურდღელი ზის თავისთვის შამბნარში და ყურსაც არ აბარტყუნებს: იცის, რომ მასთან მისვლა არც ისე ადვილია. მოეხმარეთ მონადირეს, მიუთითეთ ამ 15 ბილიკიდან რომელი ბილიკით უფრო სწრაფად მიაღწევს კურდღელთან.